

# AQUA COME TE VEDE UN BARCARO

di Riccardo Cappellozza

“Aqua te s'è el specio pi grande del mondo.

De giorno pal soe, de note a'éa luna.

Quando sé scuro fondo al firmamento,

a tuto te ghe fè specio.

“Anca e nove se spacia su de mi ai primi albori;

a l'aurora, a volte so dorada, ai tramonti infogà.

E quando queste se specia col mùso duro, nero inrabià,

par che anca mi, specio, sia nero.

E crede de farne paura,

queste no ga capio che e sé 'na picoéa parte de mi...

Mi, aqua, quando so dura, giassà dal fredo,

so éa farsa pi granda de sta scorsa, sta crosta.”

Aqua, 'na barca che te navega s'incarna sul tuo specio.

Ea luce te penetra senza toccarte,

i pessi te navega, i briéa de luce riflessa

che no te toca.

Aqua, no te ocore scavarte par trovare i to briéanti

Basta travasàrli par vederli e tocarli.

Aqua, te si na cuna pal barcaro che se snanara assopio

Sul to leto a dondoeo.

Aqua, te si tanto umie e servisievoe

da lavare ea onteria che se porta drio l'omo.

Col ga bisogno de ti el te serca anca soto tera.

L'incoscienza, l'ingratitude de l'omo te sporca,  
ea tera generosa te filtra e te torni brieante.

“Se l'omo me mete el fogo soto de mi,  
aeora me inrabio anca se so poca,  
me incasso tanto da boiare e mostrarghe quanta forza che go  
e guai se s-ciopo dea rabia.

Mi su sta tera so ea vita ma anca ea morte”.

Aqua, el barcaro che te navega par 'na vita  
El te ama mejo de so mujere,  
sicuro e orgoglioso de no portare i corni.  
Aqua, el soe che se speciasu su de ti ghe riflete sul viso del barcaro,  
no el ga bisogno dee lanpade par abronsarse.  
Aqua, te te metti al servizio de l'omo che te inturbia.

“Mi, aqua, spero de no perdare del tuto ea pasiensa,  
perché se me tiro su ea querta dai pie  
i nego tuti sti pajaseti de omani.”

Testo riportato da Michele Mainardi nel suo libro “*Zingari d'acqua*”, Filippi editore